


Teat. 5254

Rywocki Joannis J. Triumphus quem D. Ca-
simiro Principi Joscasp. Rex Vladislavus IV.
a. 1636 Vilnae exhibuit.



TRIVMPHVS
QVEM
D. CASIMIRO
PRINCIPI

Serenissimus ac Inuictissimus

VLADISLAVS IV.
POLONIÆ ET SVECIÆ REX



Magnificâ ac piâ

in augustum Paternæ liberalitatis
Mausoleum deductione

*Anno M. DC. XXXVI. Augusti 14.
Vilnæ exhibuit*

PANEGYRICO
repræsentatus

Et Serenissimis Poloniæ ac Sueciæ Principibus

IOANNI CASIMIRO, & CA-
ROLO FERDINANDO F. F.

A. P. IOANNE RYWOCKI Societatis IESV
Theologo, & Eloquentiæ Professore

Ipsò eiusdem D. natali die exhibitus.

VILNÆ, Typis Academicis Societatis IESV,
Anno Domini 1637.

16.

DEDICATIO

Gemina Vobis orbis decora fero PRINCIPES SERENISSIMI, Diuum CASIMIRVM, & REGEM FRATREM. Amabitis in illo sanctitatem, & patrocinium; in isto pietatem: in vtroq; Vestrum sanguinem. Quibus alijs in suum Mausoleum euntis, deducentisque offerrem TRIVMPHV M, nisi Vobis? quos & communio magni sanguinis, & conspirantis expressio virtutis vnum in MANIPVLVM late adorandum collegit. Vtinam CASIMIRIANÆ theatrum volubile pompæ oculis libere, & sequi datum fuisset, exultantis præfecto POLONIÆ ac LITVANIÆ viscera de proximo palpauissetis; illa viscera, quæ sublimis CASIMIRI Spiritus cælo deuolutus ab alto animabat. vidissetis confertam omnium ordinum aciem, cælum non tam vocare votis, quam aggredi & rapere manibus. impleuissetis geminâ Vestrâ luce, vtpote iam plenâ trium Fratrum Sororiq; CORONA, CAPVT magni Ducatus VILNAM; sed, & restagnantis in Vos effusæ sacræq; voluptatis impetum sensumq; recepissetis. Nunc vero, quod publicæ negarunt curæ oculis, inferitur manibus, includitur pectoribus, indeque in immensum Æternitatis cælum, Vobis veluti duobus Cardinibus Polissq; concurrentibus, extenditur & consecratur. Accipietis credo alacres, REX enim est, & quidem REGVM qui Vos adit, REX animorum, qui Vos querit CASIMIRVS. Illius namque resflescenti Gloriz, duo maximi POLONIARVM REGES, PATER fundamentum deponens, FILIVS culmen perficiens, supplici auro curaque seruiertint. At qui REGES? nempe illi, quorum sub pedibus purpurei victorijs regnisque Tyranni, puluerulenti genuerunt. Aperietis quocirca communi Sanguini, in animos vestros auctiore cum Gloria sese inuehenti, hospitalet fores. Sanè PATER cum FRATRE gemina veluti brachia, eius molem cum sacris ossibus sustentent, vbi maximus sui mundi que Victor gloriose conquiescat; Vos ab his omnibus, virtutum lineamenta ducetis, vt feliciter ÆTERNITATI pingatis.

220163
111

PANE

PANEGYRICVS.

Redo ego nullius desiderij tantas fuisse angustias, ut unicâ latissimi illius diei presentia expleri potuerit, quo Polona ac Litwana Maestas in sacrum D. CASIMIRI Triumphum conspirauit: illa enim ipsa augusta Pompe magnitudo, dum attonitos diu prateruehere-
tur oculos, per partesq̄ iret, ita distrabebat cogitationem, ut neque in primo apparatu herere, illecta sequentis pulchritudine; neque in sequenti, primis spectandi illecebris reuocata, posset consistere. ita fiebat, ut dispersus in singula, nullibi integer esset animus, multaq̄ amitteret gaudio & admiratione. Quam enim capax illud pectus fuisset, quod de aspectu instabili totam amplecteretur letitiam, aut ex ingenti operum exhibitione uniuersam oculis colligeret hilaritatem? Quis potius ex varietate dubitationem, animiq̄ sibi minime fidentis discordiam non concepit, seq̄ ipsum non rogauit, num quæ sciret de spectaculi gloria, ab obtutu vigiliâq̄ haberet? ingens enim morandi in singulis cupiditas propè auribus insomnijsq̄ transcripserat; quidquid intuitus docuit. Quod auaris euenire solet, ut securitatem repositarum opum sepius visu attrectent, oculorum fidem frequenti manu explorent, iteratoq̄ recursu etiam in sinu absentiam timeant: Id familiare illis erat, quos immodica letitia occupauit. Dum reficere satis felicitate non possent auidam intuendi voluntatem, celeriq̄ recessu castigatam dolerent expectationem, in ambiguo se velut post somnum deprehendebant. Quia enim curiosam diligentiam diuturnior exultationis mora non impleuit, & mutua spectantium

facundia differendo non equavit sciendi desiderium, oblectationi voluptas defuisse putabatur: Non erat certe res modici temporis, in longissima fori area supplicem Regni totius virtutem suspicere, Romanisq̄ equare aut preferre triumphis obsequij impensi decus. Quis dies finiisset ULADISLAI Regis admirationem, qui in illa pompe gloria, quam DIVO Coznato pie præstitit, omnibus suis victorijs conspicuus incesse videbatur? Quis annus suffecisset D. CASIMIRI Principis laudibus æstimandis, aut recolendis? Nemo igitur, dum densâ effusi populi obsidione premeretur, stipatosue prosequentium globos eluctaretur humeris, aut laborate in tectis vestigio penderet, ab insigni tot argumentorum stupore lassus recessit. Hesit adhuc in pectore abeuntium primus vigor, ipsâ præclari officij tractatione factus cumulatioꝛ, cepitq̄ ad eruditum respectare stylum, qui Regie deuotionis laborem per animos oratione circumduceret, & pulcherrimum imagine emularetur Triumphum. Quotusquisq̄ non inuocauit publicam vocem, qua ad singula laudum theatra consisteret, duraturâq̄ dictione D. CASIMIRVM ita exhiberet, vt vniuersa gloria undiq̄ collecta maiestas animis contemplantium pateret? Equidem iustissimam æstimauit fuisse postulationem: sed cum neque accuratam vires mea pollicerentur diuinarum Virtutum effigiem, neque tot nobilissimorum hominum votis à me fieri posse satis viderem, propè in commune optantium numerum concessi, nisi voluntatem alienam in modum legis communis religio ostendisset. Aderat interea & altior vis, qua in hoc cogitationum æstu ancipitem timentis audentisq̄ temeritatem promissione virium correxit. Tunc statim primam deterioris successus formidinem diuino hoc impetu regere capi, & honorem verborum ad tantum sacrificium à pietate sperare. Tunc

Tunc se se agmine ingenti commendabant praclarissima rerum specus, remotaeque aetates recenti imagine oblucebant, & exigere videbantur, ut ne ea quidem neglegerem, quae Maiorum Virtus posteris laborasset.

Admisi itaque opportuna festinatione ad D. CASIMIRI laudationem Prosperum Caesarinum COLUMNAM, qui per altissimis Romanarum dignitatum titulos, sanguinem ad se derivatum nostrarum partium securitate servavit. Quanta ex eo in D. CASIMIRI originem derivari possent, si veterum amor eadem libris credidisset, quae animis inscribebat? At enim, dum aetas illa styli perite tractandi rudis memoriae fideret, sensim insidijs obliuionis patuit. Ut omnia ex prudentia & imitatione Maiorum agerent, res praclare gestas memorabant: annorum interea seriem, & quidquid plena petit historiae notitia, intentus in bella animus deposuit. Credebant seculorum cursu perire non posse, quidquid Columnis Virtus incidisset. Habeant ergo gratiam errori temporum Attyla, Nero, Julius Caesar, quorum Tyrannidem gloria Prosperi Caesarini reddidit felicem. Dum enim ambigimus, cuius insolentia tanto Principi industriam vite in tuto ponenda suaserit, nostro bono iniuriam probamus. Vitari certe debuit furor Attylae, qui se terrifico nomine Flagellum dici voluit, ne infami manu ingenuum corpus violaret. Neronis quoque pestilenti conspectu abire ad libertatem pertinebat, quod tunc in illo Orbis monstro fortuna Regem cum Regulo confudisset, ut neminem sine veneni periculo aspiceret, quem ad salutem Patriae putaret vivere. Plures tamen in Pompeij cladem referunt discessum. Illi Imperatori ductor militum erat contra publicum hostem, penes Romanum obiuerat imperium bello & victorijs: sed cum aliquando extrema calamitas afflixisset successum, Patriam,

B

pro

pro qua diu multumq; dimicarat, iam non suam, nec eandem deseruit. Non putauit liberalis esse ingenij imitari Ciceronem, qui eloquentiam ante pedes Victoris exarmauit: aut Brutum, Cassiumue, quorum generosus animus ad libertatem repetendam sub adulatione diu seruiuit. Turpe enim erat aperto pectori mendacium amicitiae alere ad irascendi opportunitatem. Cur & illum sequeretur, qui Philosophico vite contemptu, ausus in se facinus hostile, magis Porcius fuisse apparuit, dum in cruore suo volutaretur, quam Cato, dum ferro sponte incumberet? Ab hac pauida audacia reuocauit mentem imperterritam prudens cogitatio, Cesarinum stare non posse, qui tam abiectè Cesarianus iacere vellet. Duas igitur res dignissimas perfecit, cum & sanguinem ad posterorum gloriam in superstitie corpore conseruauit, & alibi liberam sibi erexit Patriam. Nauigantem Dubissa fluuius camporum amenitate inuitauit ad iura hospitij, & postea retinuit. Inciderat in gentem comem ac mansuetam, quae virtutem adorare sciebat, & nomen Italiae, quod Romana dissidia, propè expulerant, poterat suscipere. Eandem suae potentiae sedem diu retinuerunt posteri, & velut circa matrem herebant, donec Vitenes in Lituaniam protulit Imperium. Ab eo per Gediminum Olgerdumq; Heroës Ducesq; fortissimos ad Jagellonem gloria peruenit: qui ipse quidem in Regnum Polonum primus assurrexit; stirpem deinde suam inter Coronas Sarmaticas, Vngaricas, Bohemicas circumtulit, & summorum Imperatorum Regumq; solia affinitate colligauit. Quod si ea felicitas Prospero Columna contigisset, quam Aeneas Sibylla exhibuit, ut longam Nepotum seriem praeuideret; quanta gaudia pectus illud omnis spei plenum inundauissent? quanta seges letitiae se obtulisset cogitationem in venientia saecula proijciant.

Occur-

Occurrissent nouem ex Nepotibus nati Reges, plures ex Neptibus, durante adhuc salutari ad hereditatem suffragiaq; Regnorum fecunditate. Vidisset Ducum purpuras, fasces omnium dignitatum, sacros honores, fortunam deniq; in sua domo consedisse fuisset admiratus, ut potissima Reip: Christiane stemmata sanguinis sui commercio coniungeret, Orbemq; terrarum felicitate impleret. Erexissent faciem puluere sordidam prouincie fortunatis subiugata prelijs, letis victoria clamoribus assonuissent, longis graues spolijs Triumpho assurrexissent. Quam attonito vultu stetit ad Casimiri Regis Polonia, & Elisabethae Austriacae felix connubium, coalescentem in unum fadus geminorum decorum amplitudinem, implexam Caesarum stirpi Jagelloniam gloriam, natali D. CASIMIRI die fecundam sanctitatem!

Sed cetera fida rerum custos posteritas mirabitur, & ex grata conscientiae fide recitabit: mihi iam, quoniam deliberato per longinqua errore in portum incidi, augustus D. CASIMIRI splendor oculos praestringit, omnemq; circum allucentem ab ultima repetita Familiae origine claritatem ostendit, ut ex tantis nominibus ipsum magnopere, tanta tamen terrarum pignora magis ex ipso aestimem. Fuisse enim haec magni generis iactura maximis altior damnis, nisi hunc pulcherrima laudis gradum ex publica sanctitate ad suum fastigium haberet. Longis Principum successibus metimur nobilitatem, per stabiles rerum gestarum excursus, peruenimus ad nominis opinionem, incrementa ducimus ex semel inceptorum successuum constantia: at virtutum maturitatem ex celesti honore colligere licet: quem quisquis domi suae habet, altissimo fame impetu terras euasit. Quid enim ea commendatione sublimius cogitari potest, quae infra magnitudinem

dinem suam habet id omne, quod in Regnorum laudibus supremum est? Progrediatur sanè admiratio in solia ac coronas, nondum ad sacram vere nobilitatis arcem accessit. Laboret eloquentia in gestorum ingenium celebritate: altitudinis apicem non transcendit. Pendeant ingenia erudito studio ad numerosam imperiorum possessionem: non plus fulgoris colligent, quam terrarum lux patietur: adeò scilicet Imperatricis huius Familie magnitudo omnem celsitudinem pro limine habet, ut nisi cælum conscendatur, ad humanarum laudum metas omnis iaceat laudatio. Egregiè igitur gloriam illustri serie ad se derivatam pensavit auxiliumq; **CASIMIRVS**, quando Virtutum suarum conditione, in Jagellonia domo Orbem terrarum in gentibus posuit ad venerationem. Non illa proinde opus habet origines suas Deorum sanguini inuoluere, & à fabulis (quod antiquitas fecit) diuinas rapere cognationes: plus est publicæ consecrationis plausu domesticam calis misisse ad decus ornatumq; dignitatem. Meritò itaque in Fastis Jagellonica felicitatis dies ille clariùs copiosiusq; lucet, qui tam præclari sideris exortu omnem vetustæ stirpis ordinem illustravit, cælestibusq; miscuit splendoribus. Certè oraculi instar publica fides accepit, cum, qui in nascentes tempus incidit, letitiæ consensum & beatam ex paternis successibus festiuitatem: quasi iam tunc vniuersa rerum Natura communi prouinciarum hilaritate arrideret, suumq; bonum interpretari videretur. Cum enim ad ortum illius ingenti strage debellati Prussi ceciderunt, & arx Papouia viribus Polonis cessit, quid aliud Fortuna voluit, quam ut latus victorijs natum salutaret, venientiùq; frontes etiam hostium ac muros inclinaret? Quid & legatio Georgij Podbradij Bohemorum Regis aliud effecit, cum Regni Bohemici insignia Patri offerret, efflagitaretq; amicitiam; nisi

nisi ut prosperrimam lucem unanimi Regnorum in plausum conpiratione consecraret? Quod si Infanti supremum illum rerum moderatorem DEVM indulsisse dixerò, ut hac secum afferret auspicia, erigeretq̄ statim Patri trophea, nemo me iure damnauerit. Nam quemadmodum inusitatum non est, naturam florentibus placidisq̄ euentibus origini alludere: ita ventura laudis imaginem à quopiam importari in terras, nouum censi non debet. Iactent sanè nobiles Thebe primam alumni sui Herculis industriam, cum infantili manu ferociam serpentum in cunis presocauit. D. CASIMIRI nascentis felicitas victoriam Reip. laborauit. Loquatur Seleucum anchora, quam innato artificio insculptam coxæ habuit. nos Bohemicam coronam sceptrumq̄ in ortu D. CASIMIRI conspeximus. Non inuidemus Zoroastri risum, quem natus vsitatis humano generi lacrymis substituit. plus est Poloniam, pulcherrimis inuitatam operibus, in hanc lucem prodeunti D. CASIMIRO, hilari vultu augustaque fronte accurrisse, quòd noua fecunditate superbior, ceteris prouincijs primo sinu Principem natum praripisset. Pulchrum enimvero accepit hospitium Cracouiam, Urbium Matrem, Arcem literarum, Regum sedem, ut sciremus iam tum loci suffragium in auspicijs fuisse. Qui tantus erat futurus, debuit statim in eminentissima Regni sede conspici, inter diademata apparere, eruditis Musarum manibus tractari. Tali ille tantoq̄ apparatu exceptus est, ut ad perennitatis cursum statim in ipso ingressu optimè instructus esset: sed erectus ad maiora animus, quamprimum habile ad humanas rationes sequendas nactus est corpus, suo cepit gloriam calculo computare, & censu Natura Fortuneq̄ diues in curam potioris boni incubuit. Quid me igitur necesse est illis commemorandis insistere? cur

C

in

in Stirpe, Parentibus, Patriaq, alienis ad laudem
presidijs, diutiùs harem, & oblatum ultro summa
prosperitatis verticem contumaci itinere premam, cum
ameniora alia plura se offerant cacumina, quibus at-
tollì pulchriùs liceat? Magnum quidem est æquabilem
seculorum in honoribus currentium terrorem excipere.
sed maius non degeneri conatu moras annorum praegre-
di. Illustre virtutes in ceris ferre: illustrius vitam omni
honestâ actionum societate ita pertexere, ut sub nobili-
bus figuris natalitia claritas, velut tyla, lateat, emi-
neatq, decentiùs: Eximium est in ipso Regie magnitu-
dinis domicilio nasci beatum, & fortunata lenocinia
sortis hereditate capere: plus est delicatis his obsequijs,
quibus pleriquè vitia audaciùs colligunt, ad egregia
opera venire. Præstat itaque in integro rem hanc pore-
re & quantus aureo Regalis prosapie pelago, quod tot
infestas Sirenes continet, occultat scopulos, variatur
procellis, ventorum tumultu agitur, ad virtutem
venerit, contemplari.

Et si quidem rem hanc Orbis totius suffragio desi-
nere placeret, communis omnium esset opinio, pluri-
mùm in ijs valere summam felicitatem ad sanctitatis
profectum, quos opes fastu non inflant, potentia am-
plitudine non labefactat, honor maiestate non corrup-
pit, delicie non emollunt blandimentis. Producit
enim hanc omnis Regie stirpis Aula illecebras, quæ al-
tiores obtutus à Numinis, virtutisq, conspectu auerte-
re facile possunt, ut proinde affine quiddam habere
cum Babylonico celo videatur. Locus is erat subtili
ex sapphis constructus fabrica, & ex caelesti colore,
diuinâq, presentia nomen tantum inuenerat. Specta-
bant enim ex fornicata testudine, velut ex æthere
aurea Dorum simulachra, tantâ opera fabrilis indu-
striâ efformata, ut materia arcanas tremenda pote-
statis

Statis notas exprimeret. Metallum contumax cesserat
artificio, ut Regem in medio confidentem ad virtutum
cultum religionemq̄ inuitaret. Nam quoties oculos in
sublime attollebat, effigies omnis venerationem metumq̄
instillabat. Quippe spirantia labor Numina sinxerat,
ut Iupiter auri fulgore ardens fulmen iacularetur, col-
linearet spectatam Apollo sagittam, Neptunus tempe-
states concitaret, Minerua terribile ferali capite scu-
tum obijceret, tam viuari omnia argumento, ut ex
aspectu formido propè manum transmitteret ad que-
rendum telum in pectore; vertigo contra turbinem ful-
crum quæreretur; rigor per corpus diffusus ab obiecto Gor-
gonis portento lapidescere timeret. Ceteri Dij suis quisq̄
affectibus insignibusq̄ cernebantur. illi ad maiestatis
opinionem formosi, hi ad letitiæ sensum hilares, alij in
clementiæ testimonium erecti. plerisq̄ vultus furore ar-
matus, frons seueritate rugosa, oculi ad scrutandum
pertinaces, manus in ictum compositæ, os in minas
conformatum. Varietas singulorum tanta tamq̄ effi-
cax, ut animus, omnibus admissis permonitionibus,
affectus in se confunderet; tristitiâ hilaresceret, gau-
dio mereret, metueret spe, timore erigeretur. Omnis
hec rerum diuersitas, dum in varia distraberet, col-
ligebat animum ad reuerentiam & curam pietatis: sed
quominus se mens huic spectaculo totam daret, qua-
tuor torquille aureæ pendebant: quarum auium vis per-
magna est in veneficijs, philtusq̄ seruire creditur. Pru-
dens enimvero opificium, & ad ostensionem periculo-
rum, quibus institutio Principum facile à studio vir-
tutum abripi potest, excogitatum. Circumuolant enim
identidem Opulentia & Potestas animum, perspicacemq̄
illius pupillam, Mentem, delicatis integunt alis,
nè obtutu ad caelestia euadere possit. Laborant Di-
gnitas & Voluptas admirabili varioq̄ circuitu, cogita-
tiones

tiones à Numinis contemplatione auocare. Tanta est vis in singulis, ut blanditijs incantare, ac veluti quodam fascino insitam bonitatem possint intercipere. Quisquis has amenas Virtutis moras alacri obstinatione superaret, & ad curam animiq; auxilium deflecteret, an non is ex communi gentium comitio magnus sanctusq; inter homines iret? Si eodem ordine cuncta persequar, iam profectò constabit publicam D. CASIMIRO meritò contigisse gloriam sanctitatis.

Nam primùm non deerat illi ditissimus Polonia, Patrisq; Regis Pactolus, ex quo aureos riuos in splendorem suæ dignitatis, aut licentiæ ostentationem deriuare potuisset. Scimus quantum excellens conditio exigat, aut iuuenilis ætas sibi arroget. Illa magnificis impendijs conquirat authoritatem, pretioso thesaurorum damno famam lucratur, liberali erogatione potentiam, conseruat, deniq; in admiratione ac obsequijs tantò retinet magis, quantò altiùs in fundum arcæ manus veniunt: hæc ipsam quoque necessitatem sepe in ambitionem exitiumq; virtutis expendit. Ea, de causa magis miramur Regiam Diui CASIMIRI indolem in tam precipiti annorum flexu, & præpotenti fortuna, nec nobilissimo suo statui dedisse cæterorum Principum consuetudinem, nec lubricâ ætatis parte in insidias feruidioris Naturæ cecidisse. Non enim ille insano luxu corpus operiebat, non lapideis flammis accendebat, tunicam, non tenero figurarum textu, ludentisue artis commento emolliebat sericum. Satis potuit nosci Principis honor ex generoso contemptu, nec indigebat solenni colore maiestas, quam demissio à cæteris discernebat. Latere in vulgo non potuit, quòd eum ornamentorum neglectus eò pulchriùs comeret, quòd plura deerant. Cur enim in nimio membrorum cultu laboraret is, qui sciebat omnem vestium apparatus pretiosam esse necessitatem?

tatem? Cur sinceritatem natura luxu contaminaret, dissimilemque animo effigiem circumferret? Hac autem prudenti viuendi destinatione prouidit modestie suae securitatem, quam saepe ex ornatu ameniore arrogantia inuadit, & male intra grauitatem tuetur. Conformat se facile mens amictui, & ex colore affectum rapit, ut sub purpura minores erubescat, in argento ad obscurioris sortis affectum palleat, ex auro seuitiam terroremque loquatur. Neque verò haec à me dicuntur in eos, quibus fortuna illecebras natura concessit ad honoris reuerentiam. Quidam enim ad illustrem vestium splendorem publico officio dignitateque eunt, eos nemo merito arguat. Plerosque fastus ad immodicos sumptus ducit, quod quis probet? Vtrumque D. CASIMIRVS eo spectauit temperamento, ut magnitudinem excelsi nominis sub moderatione retineret, & obtentu honoris ad licentiam non progredetur. Nihil erat in eo nimium: multa infra Regium modum. Nemo tamen quidquam desiderare poterat, quòd raro exemplo ex priuato Principem indueret, & maiestate, velut calo relicta, inter oculos ciuium ipsam demissione amabilior versaretur. Fiebat proinde, ut quoties se in conspectum daret, nulli per apparatus superbiam, insolentiae tumultum eluctandum esset ad oris notitiam. Temperatus habitus transmutebat oculos facile ad Virtutum choragium, sine quo nunquam processit. Et erat viique, quod sub modico cultu spectari poterat, pia grauitas, verecunda letitia, comitas plena pudoris, pluresque praecleari animi dotes suis signis in vultum corporisque motus expositae. Laborauerit ille sanè industriam moderatione ornatum mentis interiorem tegere, occultaque pietatis artificia fronte suae fortune obscurare: tantum tamen in his latebris firmitatis non erat, quin ipsam compressione Virtus altius emicaret. Quis nesciuit sub

D

mode-

modestia purpure (sape enim ex dignitate habitum sumere fuit necesse) asperitatem hirsuta nodosq; tela, & textum villorum arctè corpori insedisse? Laudabilis profectò scena, & pie simulationis recessus. Poutit in theatro nobili principalis authoritas dissimili imagine conspici, in persona amplitudine ostentare speciem amor vilitatis, splendor abscondere membrorum molestiam. Talem vestium discordiam hoc ille federe coniunxerat, ut quasi pre vestibulo cilicij ageret excubias Regalis indumenti moderatio, doloriq; seruiret. Neque enim dubium fuit, potius illud fuisse, quod cordi adiacebat: hoc alienum dici poterat, quod quasi eiectum & exul foris esset. Illud preterea Principis sugebat sanguinem ac sudorem, gemina tinctura optima pretia, quibus nulla maria conchylijs respondent. Quidni ergo laudem consilium, quod diuitias in luxum, studiumq; affectata pulchritudinis non prodegerit, satis de se opulentus? Quidquid corpori aliunde aduenit, spoliū est, & aliena forme preda, suo fulgere magnificum est. Et graue quidem est hoc genus impensarum, ad viriumq; debilitatem ac languorem saepe peruenit: sed nobilior euadit purpura, quò maiore tolerantia clarissimus succus exprimitur. Alij liquores tantum habent estimationis, quantum raritas, aut humane artis ratio permittit; hic ex Domini cruciatu decus accipit, quem necesse est esse maximum, quoties à molli educatione suscipitur. DIVO proinde CASIMIRO nihil accidere poterat, quod non magnopere profuisset ad patientiam. Siue enim viliora elegit in usum, duritie ledebant teneritudinem; siue delicatora, mollitie vulnerabant animum in aspera propendentem. Æstimet hinc quisq; pij Principis ingenium, qui oblectationes voluit esse suppliciorum instrumenta; nec alias ex ijs conquisiuit delicias, quàm dolorum.

lorum. Miretur & pietatem, quâ omnem opum afflu-
entiam propè cum absentia composuit, quando sese
ad experientiam egestatis damnauit. Quem enim non
tangit pedum nuditas, quâ statis temporibus ædes sa-
cras adibat? Quo ille tulisset animo venientem a ca-
su, aut origine inopiam, qui extremam sortem sibi
in palatio fecit. Quâ mente erat erga diuitias, qua-
rum usum à contubernio dignitatis relegauit, piâ ausus
dignari inuidiâ in calamitosâ paupertatem? Nihil
illum commouebat infericr in exquisita in ornando so-
licitudo, nihil quesitus elegantia tumor. Cùm alij fla-
ui incessus serenitate auram accenderent, intra serici
auro fluentis vincula v brarent gressus, argenteis cla-
uis substrata marmora excitarent in plausum: ille va-
cua simpliciq; pede ad aras viam imbat. Cùm ita in-
iurijs amoreq; inopie inter opes ditesceret, admisit præ-
tereâ in triclinium fænem & sitim; &, quia inter-
dum necesse erat sanitati consulere, mediocritatem.
Rari profectò hi sunt facultatum amplarum hospites
in palatijs, sed mirabiliores, quoties inueniuntur, quàm
in casis. Multum enim interest, num sponte quis, an
necessitate toleret? Plurimis licet esse famelicis, cùm
interim cupiditate sint saturi: at inter irritamenta
gule, animo adimere ciborum licentiam, quantarum
est virium? Arcana fabularum veritas, cùm Tantali
penas loquitur, autumnum pomis instructum circum
os suspendit, tam attentis ad fugam frondibus, ut
præter umbram cedentium fructuum nihil manibus as-
sequatur, aut dentibus alliget: addit & fontes labijs
alludentes, ita mirâ vicissitudine quietos rapidosq;, ut
morentur sub mento ad fallendum, sterili mox vado
deficiant, quamprimum in haustum palmas compres-
serit. Ille tamen perpetuâ delusus laboris sui sterili-
tate, in pradam semper est intentus, & irritas manus

in spem continuam exercet. Tanta scilicet vis est presentia, ut famem exstimulet, & ne ipsa quidem desperatione totam extinguere possit expectationem. Magnum igitur erat in D. Principe voluntatis supplicium, dum, copioso inuitante ad palati obsequium, lenocinio, sibi ipse indixit continentiam. Nihil ille in omniferculorum varietate sibi dissimile admisit: nihil ex diuite delicatoque epulo prater victoriam sui delibavit. Quoties extendisset manum, eo id faciebat animo, ut cupiditati negaret, & se torqueret non admissa voluptatis usu.

Non minor dimicatio facienda fuit cum opibus, que prodigalitate petebant effundi. At ille, cum nosset immodicis impensis saepe non dignitatem defendi, sed vitia nutriri, viresque corporis ad consuetudinem licentiae crescere, reperit homines penuriam pressos, quibus diues lautusque esset. Hos copiosam recipere manu, veste instruere, prouidis leuare subsidijs, adeoque suis proponere solebat commodis, ut laborare videretur, qua ratione ipse in Regia omnium rerum ubertate miser esset, illis Principem se exhiberet. Praesens erat implorantibus, nec aliter se negare poterat votis afflictorum, quam perennes fontium vena ijs, qui humili inclinatione undas hauriunt, quasi prius peterent: in hoc vero etiam superior, quod saepe in sinum depressorum, una liberalitatis scaturigine, infuderit duraturum in omnem etatem beneficium, unicoque haustu vite totius sitim restinxerit. Audiuimus quidem fontes quosdam auro fluere: at obviam accedentibus auaritia opposuit. alios miris scaterere aquis: sed ad strepitum pedum velut exterritas fugere. plerosque medicis bullire fluctibus: verum pretio aditum emi, nec omnibus exsugendis morbis sufficere. Hic vero, quam presenti manauit ope! Neminem palatij reuerentia, pertinaces custodum

Stodum excubie, armatum Satellitium. submouebat. Habere ab eo licebat aurum contra egestatem, in patrocinium vocem, manum in lapsu. Fiebat proinde ut egenorum examina obsiderent euntem, viduae non aliter, quam Ægyptus suum amnem inuocarent, pulata reorum turba circumstaret. Pulcherrimus enim vero comitatus & suâ indigentia purpuris omnibus formosior, aut potius ad expugnandum celum collectus exercitus, cui misericordia Imperatorem præficit, ut det stipendium, quasi egestate militaret, vinceretq̃.

Hec iuste laudationis occasio facit, ut quoniam de diuitiarum usu multa attuli, Potentie saltem dispensationem parcius in tanta dicendi copia prædicem. Nemini enim dubium est plurimum eum potuisse, qui Patris leges per ætatis prerogatiuam exire noluit, ut vires in integro iuris paterni nomine conseruaret. Subiectio, dum filium quasi in corpore adhuc retinet, virium communionem non diuidit. Ceteris licet manus Regum meritis aut impetratione inuadere: Filij legibus & sanguine satis sunt instructi, ut ad obtinendum, quidquid equitas docet, consilium ab illis veniat, quasi à Patris ratione, preces quasi à Natura. Leue certè esset, & hominum consuetudini dissonum, vtriusq̃ facultatem velut calculos, numero discernere. Communis enim illis opinio plus penè tribuit, quam Natura. Hec, quos subiectione iurisq̃ rigore coniunxit, dissociavit corporibus: illa etiam corpora authoritate copulauit, & anime vnius colligauit arbitrio. Licuit nonnemini varijs inspectis Reip. muneribus, Regem formare instruereq̃ ex subditis: Præfectos in oculorum vicem transferre, aures appellare Iudices, Senatui cordis motum credere, militibus manuum, pedum agricolis dare officium. soli Filio concessum est Animum Spiritumq̃ Patris dici, quod Patrem ex facili moueat,

E

sen-

sensibusq; & membris Reip. coniunctâ facultate utatur. Valabat igitur D. CASIMIRVS paternâ plurimum potestate, quam ille in sanctâ custodiam fidei, & noua ruinam religionis deriuauit. Tum enim demum, se fortem pollentemq; viribus existimauit futurum, si constanti lege incorruptam veritatem exitio dissidentis sectæ tueretur. Amamus igitur vocem Filij in Priuilegio Patris: miramur pietatis ingenium in sublimi patrocinio: suspicimus fortitudinem quâ totius Græci schismatis manus ita arctè ligauit constrinxitq;, ut eas neq; in nouorum structuram templorum erigere, neq; in veterum restorationem commouere posset. Quid hoc edito preclarius, quo ad fallacium in fide opinionum, perniciem, ius dedit annis, elementa vicesq; temporum armauit? quo omnem discordis pietatis solertiam in otium languoremq; composuit, in obliuionem, deinde abituram delubrorum occasu? Ita enim citius animorum dissidia suorum cineribus templorum sepelirentur, iacerentq;, quibus fulciendis liberalitas non occurreret, promouendis locum non inueniret conspiratio, industria iuuandis adesse non posset. An non hac præterea voce Naturam humanorum seruitute vitiorum emancipauit, nè aduersus DEVM faceret contumacie præsidium? Tunc uniuersus rerum ordo sibi redditus videbatur, cum arbores in fulcra veritarum ædium non crescerent, in compagem sectarum saxa non coalescerent, terra ad firmitatem tutelamq; ignorantie non solidaretur, nihil denique esset, quod spe aut vi ad pertinaciam erigendam valeret. Hæc fuit rerum à DEO productarum restituta felicitas, quod punire possent, iuuare non cogentur: quod contra fulmineos ignes nihil auderet, ullus humor, nihil aduersus pluuiosa nubium supplicia rectorum circuitus, nihil contra infortunia ingenium. Ipse quoque animus velut

in carcerem compactus, suisq̄ tacitis sensibus inclusus
in otioso corpore harebat, quod ei in publicum exire
membrorum ministerio non liceret. Victa erat hac lege
errandi licentia, poteratq̄ decepte pietatis damno ve-
nire ad primordia veritatis. Quia enim antea in her-
ba semen malitiae serpentis oppressum non est, quid
restabat, nisi ut vitiosa segetis maturitas sensim tabe-
sceret vetustate, & fatalem messem extremâ clade fa-
ceret? Hoc specimen & exemplar erat in D. CASI-
MIRO vera in religionem propensionis, lentis reme-
dijs vires infestas affligere, & quasi contagiosem ru-
biginemq̄ immittere, ut morâ ad ruinam celerius per-
duceret. Fuit id & exempli rari, ita actionum cur-
sum disponere, ut etiam post fata continuaretur, &
absens legislator viuentis praesentia legis in abolendis
fidei impedimentis laboraret. Detrahit operi constan-
tiam, quisquis ultra vitam, suum alienis manibus
robur non relinquit. At qui posteros ad perpetuam
virtutis agitationem instruxit, egregie prouidit post-
humam quiescenti suo labori propagationem. Ita ergo
ille voluit ex hac statione decedere, ut tamen vox co-
hortatioq̄ ad religionis curam stabilibus repetita incre-
mentis superesset, & ingenuis pectoribus allisa, ex ap-
probatione resuluq̄ se intenderet. Sciuerat eam de-
mum vitam optimè in terris relinqui, quae non aliter
à negotijs amoueretur, quàm manus ab horologio. Ut
enim illâ absente mobiles spiras indefessa machinarum
vertigo ponderibus rotat, & malleolum indicemq̄ in
motum animat, ut temporum momenta voce silentioq̄
loquatur: ita edicta continuatis mortem pensant ne-
gotijs, postquam subditorum animos semel ad peren-
nem religionis progressum abduxerunt. Tales etiam,
dum more ceterorum hominum sub terram eunt, inof-
fenso

senso potestatis cursu viuunt, & legem in solio ad compensationem presentie habent.

Èò cum perueni, prauertendum esse existimari ad honorem Regium, quem conueniens potentie usus sibi iure vendicat. Tantus enim iam erat D. CASIMIRVS vt sub Patris tutela dignus imperio esset. Animos etiam omnium in desiderium excitauerat, vt licet pios optimi Regis mores felicitatemq; suo abesse regimine nollent, votis tamen in filium excurrerent, & estimatione coronarent. Atque ita sub superstite fortuna & desiderio Patris iudicium habuit supreme dignitatis, & intra optatam paternae presentie gloriam Rex erat animorum. Eadem opinio vicinos populos occupauit. Nemo fuit, qui ex diuini animi notis, & minime otiose indolis sp̄cimine dignam summo apice vitam non praeciperet. Ungaria tamen ceteros prauiuit suffragio, & campum tantis virtutibus praesternere ausa, occasionem vacui solij in gloriam D. CASIMIRI rapuit. Amplissima eo nomine missa legatio ostendit communem Senatus vocem, equestris ordinis vota, supplices populorum manus, quibus à Patre Filium, Principem à Rep: a CASIMIRO imperij curam petebant. Et verò allicere poterat eximia Regni pietas, religionis amor, militaris rigor discipline, & preparatus quidam ipsi suscipiendo omnium virtutum concentus. Poterat expugnare praclarum imperandi inuitamentum, opulencia terre, in quam impensius excolendam meliori pollice incubuit rerum molitor DEVS, vt sedem voluptatum in ea diuitiarumq; collocaret. Nihil huic unquam affinxit fabulosa vetustas, nè incredibili argumento verum Nature luxuriantis opus male commendaret. Non hic Tagum aureis manantem arenulis, aut collucentibus procellosum vniouibus Gangen posuit, vt solidum tutioremq; auri prouentum
in

in terris indicaret : non pretioso vellere radiantem arietem Thebarum, aut ouis aureis fecundam Æsopi alitem, nè per vanos interpretum sensus malè aurum attonderetur, excipereturq̃. Alibi mendacijs inuolutæ laudabantur facultates : hic veritas semper diuitijs præfuit. Assurrexit proinde aurifero Ungariæ Imperio Europa vniuersa, & seipsam contemplata variarum opum vbertate diuitem, postquam suas singulis prouincijs tribuit felicitatis prerogatiuas, Ungariam, Pomum aureum, appellauit : sed quod iam inter plures proiectum à Fortuna, lusu bellico dispares manus discerpserunt. Neque sic tamen suam amisit amanitatem, cum diuisit gloriam. Vbiq̃ rubet adhuc, auge te natiuam purpuram alieno in estimationem, fuso sanguine, & prima vulnera unguesq̃ impressos potentia partium protegente. Vt illud totum acciperet, Ungarorum lege pulcherrimus aptissimusq̃ D. CASIMIRVS est iudicatus. At ille manum ambitioni subtraxit, quòd sub onere pretioso pietatem suam viles cere posse existimaret. Attentus in salutis sue curam animus, quoniam omnem seruitij nobilioris querebat opportunitatem, & acutâ acie moras imitationis diuina perspiciebat, nasci ad Regna satis esse ratus, celesti sp̃ei suam consecrauit dignitatem. Vt quid in oblatam rerum omnium affluentiam concederet, qui paupertatem iam inter ingentes Regie domus opes admauerat ? cur sub diadema iret, qui pridem rerum contemptu honorauerat cogitationes ? aut sceptro tenendo dextram porrigeret, quam proijciendo auro exercuit ? An enim ad diuini conscientiam arcani non pertinebat se Regnis non induere, qui Mundum exuerat ? Fuere potentissimi Principes, qui dum sue anime gubernacula tractare vellent, fessamq̃ imperando etatem, velut in portu colligere, ad priuata vite angustias

F

gustias

gustias confugerunt: ille ante tempestates cursu absti-
nit, quod laudabilius esse iudicaret honores fugere
ex destinatione, quam experientia difficultatum con-
nitente, Regio se officio eicere. Quamquam & illa
mens paucis contigit. Quidam enim, dum in longos
annos spem vite proiecerent, in honore publici laboris
sunt deprehensi: alios potentia non dimisit: plerisque
amor salutis communis periculis illigatos retinuit: non-
nulli constantiam diuerso virtutis flexu corrumpere
non sunt ausi. Ille venturas in flore moras precidit,
ne, si atates singulas diuersis gradibus ad maturita-
tem duceret, agrè sederet in proposito. Et vidit ille
quidem D. Stephanum sub corona Vngarica magnum
sanctitatis culmen attingisse, sibi tamen metuebat, ne
si abundaret fortuna, virtutis accessione indigeret.
Idcirco maluit ne dignatione quidem solari petentis
Vngarie studia, quam prima sui progressus in bono
vestigia dissimili passu confundere, aut prosequi. Ita
abire Nuncij coacti, solliciti magis, quod tantam vir-
tutem in solum, quam quod suae gentis regimen non
impetrassent: ille securior non admissio principatu fa-
ctus, gaudebat una abiectioe damnatam omnem bea-
tam felicium vim, & successisse sibi ad victoriam, no-
luisse. Alijs videbatur amplissimum quidpiam ade-
ptus, quod estimationem digni imperio animi, Le-
gati secum non sine merore exportassent: ipse sibi fa-
licissimus visus, quod excelsam stationem in mate-
riam negligendi accepisset. Tum enim se didicit, non
a voluntate sola testimonium habere magni ab omni
sublimitate horroris, quando non admisit, quod in-
geni commendatione in animum influebat. Orbis quo-
que terrarum, quamuis sciret eum meruisse in alto
proponi, nesciuisset, qua propensione in adipiscenda
esset, nisi adepta detrectaret. Melius iam liquet
magni-

magnifica mens aspernantis, cum confugientem sinu excussit honorem, ruentiq; in humeros Imperio Atlas esse noluit. Nempe suscipiendis terris locum non inueniebat, qui augustum calorum pondus plenis manibus ferendum admiserat.

Et ego quidem dum hec cogitatione amplector, merito tanta virtuti adstupesco; neque paterer me inde transferri, nisi alia se offerrent, que multiplicem astimati operis ubertatem magnitudine nouâ conuincerent. Sic enim sanè, ut quidem maximè est eximium, & singulare, Regij animi decus, quemuis dignitatis fulgorem otioso preterire oculo; maius tamen semper existimatum est, sic omnem aetatem, quâdam seueritate temperare, ut nullis delicijs deprauata, pudori integra sinceraq; seruetur. Quemadmodum cauti admodum & prudentis est diri, euadere rectas inimicitias, que vultu amicitie pugnant: ita quisquis nature adulantis insidijs, gratoq; indulgentie veneno non patuit, eum ego humanâ alioiorem conditione esse existimo. Quò magis D. CASIMIRI par est suspicere victoriam, qui per blandimenta vitiorum, libidinumq; faces illeso pede incessit, nullis unquam laudatis malis, que illecebris in perniciem armantur. Si quid accidit inopinatum, quod faciem rekti induisset, ex ipsa scena agnoscebat dolum, & robusto metu inuadebat hostem, ut fugâ vinceret. Neque enim securum esse putabat lubricam aetatem delicato committere commercio, & cum iucundis periculis coram agere. Ut nihil aliud efficiant, moram lenti certaminis ad vincendum instigant, successumq; sperant, quamdiu presentiam victoris adhuc stare in ictum vident. Quamquam amena hec vis voluptatis, quantumuis diuturnitati fideret, actum hic egisset. An enim eum molli fregisset habitu, quem celestia solatia ad obsistendum durauerunt, & cui ad

victoriam satis fuit, semel rigidum vultum opposuisse? Ut interim taceam, diuini eum animi ductu, aspero semper calle ad decus iuisse, nè, si ancipiti dubioq; itinere pergeret, obuiam pro ratione haberet libidinem. Quis eum aliquando conspexit leuibus puluibus, aut sanitatem excepisse, aut molliuisse delicias? nisi fortè cum premere vellet alienos oculos in vitæ communis opinionem; Et luce quidem celaret vsitatam viuendi asperitatem, tenebris autem duceretur ad corpus in ardua reuocandum. Tam illustri tamen exercitio caligo omnis depulsa, nihil poterat aduersus curiosam multorum pietatem, quominus admiratione Principem obseruarent. Habet hoc omnis virtus, ut communi oberrare vultu, turbæ se immiscere, vulgari habitu speciem suam componere non possit, quin pleriq; immigrant in recessus, Et suis illam tenebris aestiment. Citius tamen intentus animus alienam in Principibus agnoscit personam, Et in fame honore ac theatro ponit actus, quos pio conscientie secreto texerunt. Ut umbrae magnitudo prodit molem corporis: ita virtutis maiestatem quaesita lucis absentia. Fuerunt igitur, qui asseuerare non dubitarent, D. CASIMIRVM, cum iam altum noctis silentium testes oculos submouisse videretur, in nudam secessissimum humum, nè minus tractata consuetudo transilire aliquando atque effugere honestatem posset. Tunc è cæcis ad templa pergere vestigijs, seq; ad sacras fores proijcere acceperat in morem, Et in igitur loco felicitatis ducere si contingeret, aut excussum deuotus euntium pedibus puluerem osculo exciperet. Quale verò erat Et illud spectaculum, cum teneram obsequentemq; carnem flagri violentiâ compelleret ad voluptatum negligentiam! crebris ictibus vulnera aperiret dolorum ingressui! molliores corporis partes liuore obduceret! Ad tam heroici operis presentiam

tiam latebris euoluendam, dies, credo, ipse properasset, si sensum habuisset pietatis. tenebrae interim sanguine excusso erubesciebant, quod aliquamdiu conderent, quod Orbis terrarum postea erat conspecturus. Licebit mihi proinde noctes illas, abolito vetusto nomine, in aurora appellationem vocare, quod defusi cruoris luce purpurascerent, quasi clarissimum seculorum diem praerent predicarentque, qui tantis factis deberetur, & successit. Licebit & D. CASIMIRI stupere prudentiam, qui ut securitate perpetuam castitatis frueretur, spontaneis eam ita circumscripsit supplicijs, ut nullis delicijs pateret aditus ad religionem bona mentis peruertendam. Ea de causa corpus obibat penis, emuniebaturque vulneribus, ne suae tanto thesauro excubiae deessent. Spinis defendendam esse rosam hanc ducebat, ut pulchrius inter stimulos vireret, puncturis in spem durationis excitaretur, horrore ipso aduersorum esset beator.

Edo porro aestimatio postea processit, ut morte vitam pudicitiae conseruandam putaret. Inciderat forte morbus vehementior, cuius extremum discrimen cum nullo sistere posset medicinae ingenium, Venus communi consilio sanatura credebatur. Hanc igitur luueni purissimo suadere ausi, ut, si necessitate ad scelus ire nollet, honestate thalami vitam tueretur: geminato commodo pudorem in fecunditatem prolis & sanitatis expenderet, nec crederet florem hunc male periturum, quem Resp: in fructu, Pater in solatij maturitate, atas in duratione esset habitura. Iniquum esset, illi, a quo in leuamentum senectutis accepisset vitam, ad luctum spontaneam orbitatem disponere, & cogere ad lacrymas spem gaudiorum. In computationem offense venit fugisse, cum manere liceat, e viuis, telo in petus paternum ultro deiecto. Nam quod relinqui a se
G
existi-

existimaret in virtutis amore mortis excusationem, nil
hoc aliud est, quàm nolle videri ingratum, & fieri:
tollere causam dolendi, & facere. Cogitaret potius,
pulchrius esse certos honestatis tuenda modos admittere
alieno arbitrio in usum, quàm suo eligere in perni-
ciem. Abunde pensari posse caelestis consilij mutatio-
nem iustâ conseruatione legis. non cariturum culpâ
propositum, quo virtutem iniussam ad iniuriam sui,
Patris, Reip. aleret. Sequeretur porrò sui nominis Re-
gem Polonia, qui publicæ saluti votum laudabiliter
consecrauit, eò quòd vidisset Principum virtutes esse
priuatas non debere. **DEVS** bone! quantus contra
has voces surrexit! quantâ obstinatione cohortationem
precesq̄ repulit! Faceffant, inquit, tam suauēs ami-
ci, qui agritudinem vocant ad voluptates, & ad in-
columitatem ducunt parricidio Castitatis. Quæ foret
hec viuendi conditio, nobilissimum animi decus pro
morbo corporis ponere? quanta damni moles, mortis
momentum redimere mansuro exitio? quàm graue ad
vitæ usum remedio venisse, quod conscientiam electio-
nis optimæ non haberet? Malè verò hoc meo facto
Patrem ducitis in merorem, cuius leticiam nulla vn-
quam pietas periculo defensa fregit. Qui me hilari vul-
tu aspiceret in acie fortiter pro patria mortuum, sine
luctu non spectabit pro virtute occumbentem? Habere
certe tristem de me non poterit memoriam, quoties
suam in meo decessu cogitabit institutionem. Hoc ille
docuit, hoc ego didici, magno vitæ rerumq̄ contemptu
ire ad curam celi, pergere in excellentem perennis di-
gnitatis gradum per aduersa, liberalius puriusq̄ in
DEVM, communem omnium originem, resluere.
Regni quoque honores obijcitis? Quæ hæc est uecordia,
in spem coronæ regalis diadema, mihi tollere æternum,
quod **DEVS** integritati decreuit? *Vtinam ad Ma-*
iores

iores vestros, quibus arcana celi necdum innotuerant, oculos referretis, eueniret mihi fortassis vestro consilio, nè infra Vendam essem, cuius pudicitiam Polona fortitudo suis periculis funeribusq̄ seruare voluit. O vocem verè Regiam, humanisque viribus maiorem! O laudabilem seruandæ puritatis contumaciam! Quid hac esse potuit mente fortius, quæ egregio impetu ad vniuersæ rei dimicationem venit, & vno ictu delicias, earumq̄ laudatrices, Naturam, Necessitatem, vitam superauit? Habeant itaque suas sibi laudes, quicumq̄ exciderunt vultus emendatissimi formam, mutilarunt oculis euulsis naribusq̄ præfectis pulchritudinem, sexum simulatione texerunt, ut pudorem in tuto ponerent: D. CASIMIRVS patenti campo adeptus est victoriam, dum præ voluptatis horrore, & viuus integer abire maluit.

At eum nos tamen excessisse non arbitramur, quem imitatio in animis expressit, veneratio in templis reliquit, patrocinijs presentia retinuit in Regno, gloria ubiq̄ posuit. Quanta ornamenta contemptus vite impensus Castitati protulit! Cumulatè DEVS immortalis pensauit palatia templis, solium aris, Regnum supplicibus Imperijs vniuersis. Omnia enim hæc contigerunt, postquam miraculo vite operumq̄ attonitus LEO X. diuinâ authoritate dignum proclamauit, cuius Sanctitati Orbis terrarum assurgeret: cui ab omnibus fas esset vota reddi: a quo pericula immunitatem, anceps belli alea successum, tota deterioris fortune tempestas serenum precaretur. Erexerunt se subito ad hoc edictum omnes, & priuatam iam pridem pectoribus inclusam pietatem palàm protulerunt.

Cùm plurima multi agerent, SIGISMUNDI III. Regis deuotio liberalitatem omnium ac venerationem toto apice excessit. Quâ enim ille impensas

fundebat copiâ, ut argenteus esset locus, qui auguste
responderet sanctitati, & nobilissimarum familiarum
Iagellonia atque Austriacæ decus calis insertum, ma-
gnificè in terris contineret? Quàm diuturnos artificum
labores, cursusq; annorum in festinationem sacre edis
vocavit? quorum tamen assiduitas, non tam in ma-
gnitudine moram consumpsit, quàm in rara maiesta-
te loci, & inusitato materia pretio prolixam artis in-
dustriam contriuit. Quot maria nauigatione fatigata,
ut exquisita manuum doctrina in rudi impolitoq; mar-
more, nature ingenium iam inueniret? Cui enim al-
teri remotorum litorum lapis, peregrini laboris sudor
aliene felicitatis raritas deberetur, nisi illi, qui ea
prodiit stirpe, que terras longè latèq; diffusâ ample-
ctitur potestate? Hic esse decuit, non quasi reluctanti
rerum ordini ereptum, sed ex intimo sinu transmis-
sum, quidquid vehementi solis appulsu vstum est ad
decorem, aeterno frigore in speciem concreuit, fortuito
elementorum concursu solidam rapuit formam. Hic
par est preciosam Regnorum fecunditatem in communi
obsequiorum cumulo apparere, ubi in probatissimo vir-
tutum exemplari fulget maxima terrarum dignitas.
Stat proinde iam opus immortale, ita estimatione ma-
terie & argumenti illustre, ut quid alteri possit pre-
ferri, nesciatur, nisi quod utrumq; ad piam Authoris
liberalitatem suspiciendam animos spectatorum auocet.
Hec enim in omni illo decore pulcherrima est, & sum-
ptuosum structure valorem excedit præstantiâ. Hanc
omnis ille in picturam cesim compositus lapis monstrat,
animata in Diuorum figuras marmora loquuntur. edes
ipsa aspici indignatur, si quispiam alios in admira-
tionem sensus afferat. Et sane, quid pulchrius hoc sa-
cro domicilio cogitetur, quod ita elegantia ubiq; per-
poliuit, & obtinuit pietas, ut propè totum aram di-
cerem.

cerem, nisi amplior maiestas, dum se superat, atque
magnitudine conuincit, discrimen faceret? Ignoscer
mibi Romana eloquentia copia, si cum verborum peri-
culo in re tanta loquor, Et ita in magnis explicandis
reposito toto significationis fastigio, ut ad maiorum ex-
planationem infimum sit, quidquid vniuersa facundia
habet primarium. Neque enim facile est unam dicendi
facultatem inter egregia prestantissimorum Regum
duorum, SIGISMUNDI ET VLADISLAI
facta ita partiri, ut utriusque se exequet munificentia
aut pietati. Dum moror in uno, dum ad alterum pro-
pero, illum moram non exprimo, hunc festinatione non
assequor. Adeo amplitudo facti variauit audaciam
tentantis omnia animi, ut cogar in diuturnitate ar-
guere properationem, Et celeritatem tarditate excusa-
re. Quis enim disserat, ut Pater inceperit! ut perfe-
cerit Filius! quam equabili tenore largitas ac benefi-
centia venerit ad consummationem! Cum paris manus
molitionem intueor, prope opus in plures Authores
discerpere non auderem, nisi palam constaret, VLA-
DISLAI Regis esse perfectionem. Illi hanc gloria
partem DEVS seruauit, ut Et splendidum absolue-
ret edificium, Et sua Diuini CASIMIRI presen-
tia impleret.

Et quoniam magnarum laudum emensus Oceanum,
ostia quoque ac veluti ingressum ad alios labores euasi,
video mihi rursus immensum aliud equor nauigan-
dum. Intueor Triumphum, quo D. CASIMIRVS
in erectum suo honori Capitolium peruenit: quem
quemadmodum fragili ueham nauiculâ, aut quomodo
leui gubernaculo in portum regam, non intelligo In
tanta consilij inopia ad usitatam, confugere fortassis
proderit temeritatem, Et metum Numine propitio co-
rum, quibus mea vela credidi, leuare. Expediam

H

cecâ

cecâ hac ratione exitum si non integrè, (precipua enim tantum attingere est animus) certè auspiciò, quamprimum in alienam fortunam, quam aperto mari verbo, respexero. Utinam tantum mihi ingenij affiret hæc felicitas, quantum omnibus, quos deuotio Vitnam exciuit, alacritatis est elargita! Postquam enim priore loco motus est D. CASIMIRVS, ut in perpetuam, dignamq; celesti Principe sedem honoratus deinde pergeret: quanta undiq; confluxit hominum multitudo, ut aut paululum morantem in primario templo obseruaret, aut deduceret procedentem! Crederes eodem sacrarum manuum nixu excitatos, motosq; domibus esse ciuitatis frequentissima homines, ut dedignati comoda suorum parietum spatia, latissimas publici itineris areas tumultu uenerationis angustarent. Et fuerint sanè via obstructæ: celerem tamen faciebant profectionem, cum se ueluti fluctus amicâ iniuriâ ad officium promouerent. Paucus tamen contigit in eodem, postquam accesserunt, uestigio herere. Præteriuisse satis erat ad solatium difficilis via. Restabat enim spes diutiùs spectandi, si paribus angustijs, sed potentiori spectaculo celeste bonum urbem inuiseret. Ea res plurimis persuasit, ut priuatis impendijs letitiam communem iuuarent. Nemo igitur parcere sumptibus, aut ingenio, nemo à Maioribus transmissa ornamenta clauibus coercere. Omen erat presagiumq; mansuræ felicitatis, toto diuitiarum apparatu prodire, & inclyto opum obsequio securam facere fortunam.

Dies sequens ostendit omnium cogitationes. Diuus enim Princeps pretioso inclusus loculo, dum succollante nobilissimo Clero inter hilares plausus, triumphalesq; Academiæ voces, per longos platearum tractus duceretur, nihil desiderare potuit, quod pietas non contulisset ad uenerationem, liberalitas ad maiestatem. Ita undi.

undique deuotus splendor Arcus erectos adesq̄ insede-
rat, ut noua Urbis facies diem sibi ipsa ornatu inu-
sitato augetet. Aulea textili auro illustrata pro fori-
bus, vela acu picta inter florum argutias pendula, o-
mnis peregrina opulentia, inq̄ suis succis attonitarum
opum industria, si quando ambitioni aut luxui pralu-
sit, hominum pensabat honore tali errorem, suamq̄
iniuriam expiabat. Diceres diuersarum ornamenta
terrarum unâ conuenisse, ut artis pretijq̄ certamine
cumularent oblectationem, & multiplica cultu preter-
euntem diuinum luuenem venerarentur. Sed quid ego
hec adium propè gestientium gaudia commemoro?

Erat alia longè pulchrior ad pompam materies non
impressas Deorum fabulas mentiens, aut profana ve-
terum Heroum exhibens simulachra, sed ipsius D.
CASIMIRI rebus gestis spectabilis. Quis eum &
vultu gratum, & habitu modestum, & fortunâ illu-
strem ab operoso penicilli labore non accepit, ut pro
ameno domus vestibulo exponeret? cuius palatium non
occupauit effigies, que purpurâ Principem, lilij Vir-
ginem, Diuum radijs non fateretur. Iam ipsa quoq̄
miracula plurimis uiuebant in imaginibus, tam ac-
comodatâ similitudine veritatis, ut ars affectibus ob-
temperaret, doctaq̄ colorum positio tabulas pijs qui-
busdam sensibus animaret. Videre erat ipsius patroci-
nio puellam à morte ad vitam remeare, non sine a-
mabili quodam horrore, quòd ita in duarum rerum dis-
parium confinio idem vultus staret, ut diuersis signis
exanimis adhuc iam uiuere inciperet, & iacentis ca-
daveris nota in surgentis corpore summâ concinnitate
conuenirent. Aderat & memorabilis ille celestis fa-
uor expressus, cùm contra Moschorum perfidiam
vado securo præiuit exercitum Iuuenis candidissimus,
qui albo inuictus equo, alibi insanos elementi vortices

tuto tramite vitauit, componente se flumine ad transf-
eundi fiduciam; alibi sensim conspectui ereptus, scie-
batur fuisse, pictura dexteritate presentiam in absen-
tia retinente. Et illud ad decorem pertinebat, cum in
eosdem hostes confertissimos paruam Lituania ma-
num duceret, & in aëre, velut de tribunali regeret:
idoneo humane solertia inuento, quasi ubique numine
suo adesset, & hos quidem iustâ irâ in vindictam
pradarum accenderet, illos ab aduersis gladijs rege-
ret, nullos sineret patere vulneribus, omnibus famo-
sam eade fugâq; victoriam largiretur. Quid singula in
tanta copia persequar? dicamne, quemadmodum exi-
mia artis pietas in arcanis rerum euentibus, curatio-
num modis, auditarum precum, luserit argumentis?
dicam de penicillo exiuisse in genua supplices ad peten-
dum, ad rependendum donis beneficium hilares? ocu-
lum creuisse cæco, mersum è fundo rediisse in cymbam,
ignem in incendio ad vrendum, subito frixisse? di-
cam suis ipsum in omne genus hominum meritis sibi ad-
ornatum abundasse? Erat enim vita ipsius clarissimis
virtutibus locuples, & mirandis postea operibus cali-
tus illuminata: omniumq; ita suffecit votis, ut nego-
tium in ea fuerit eligendi, non quidpiam desiderandi
difficultas. Nec decuit aliter D. PRINCIPEM
ornari, nisi ut ex ipsomet, velut ex ditissimo teatro
triumphi acciperetur celebritas. Inanium est aliunde
emendicatis frui honoribus: pleni de se porrigunt so-
lennem conspectum.

Inde erat etiam, ut, cum multus ubiq; & varius
fieret plausus, nullæ voces gratius acciperentur, quàm
quas ipse Augusta Virgini concinnauit in honorem.
Quidquamne dulcius esset carmine, quod an plus ex
candidissimo pectore acceperit suauitatis, quàm pieta-
tis, in dubio est? Cui pulchrius aures accommodari
quærant,

queant, quàm ubi verborum gratia per intervalla, pari sibi occurrit gradu, quasi vocali imagine in exitu repercussa concineret? ubi breui interstitio cadendi equalitatem suspendit, ut mora in similem modum, iucundius conveniat? ubi erudita eloquentia alternis claudicat versibus, & varius pedum incessus, passu alibi diminuto, exaequato alibi iucundiozem facit precandi voluptatem? Dum qualibet sententia, velut torno excusso, limatior veniret ad vocum concordiam, sepiusq; in orbem recurreret pijs sensibus delibuta oratio, animus auscultatione colliquescebat. Quae ego omnia cursim pratero. Neque enim fas mihi esse video his immorari, quando alia se offerunt magnorum Virorum decora, qui triumphanti D. CASIMIRO suam prabuere in obsequium dignitatem.

Erit pra oculis aeternitati MARIUS PHILONARDVS, Auenionensis Archiepiscopus, qui VRBANI VIII. effultam humeris Vicariam DEI in terris potestatem ea parte, quâ Sarmaticis incumbit Regionibus sustinet eximie. Nempe non satis existimabat magnificentiam faustissima diei à se illustratam, nisi Diuo Indigeri in plausum cessisset, quidquid eximij suis factis liberalitas summorum trium Pontificum in premium contulit, & explicasset in pompa id omne, quod Roma in augusto Christiani Imperij theatro maximum, elucescit. Narrabit quoque omnis etas ABRAHAMVM WOYNAM Vilnensem Antistitem, cuius in illo numeroso Senatus, ordinisq; Sacri quâ Latini, quâ Graci ritus federati agmine pulcherrimus emicuit splendor, & tam pium deuoti laboris exemplum, ut ad sanctos animorum impetus ciendos, vis ab eo atque permotio veniret. Demus sanè multum privata singulorum facilitati: constat potentem cohortandi humanitatem plurimum frequentie
I
pro

profuisse. Sensit Lituania ac Russia reuerentia plenam seduli Praesulis vocem, tantoq̄ cumulo ad auctoritatem consurrexit inuitantis, ut, si caetera multitudo abfuisset, lectissimus Sacerdotum populus fecisset venerationis densitatem. Et haec erat caelestis imitatio industriae, diuino instinctu letissimas terras instruere, Et tot pectoribus esse pium, quot consultiore prudentia ad noua vota incitauit, aut uberiore affectu ad securam desideriorum impulit, prosecutionem. Et quis verò caeteros enumeret, quorum sacer illustrisq̄ comitatus fecit communis laetitia accessionem? quis conspicuos eximijis curis Senatores, festum Magistratus Aulici decus, splendidum libera nobilitatis progressum percenseat? sua illi se eximent obliuioni virtute, Et meo silentio culti ipsam pro se audient eternitatis facundiam perorantem.

Tacere tamen eos non debeo, quorum gloria verberatam dicendi ex ipsa munificentia accepit. Quis illam magnifice erectam Casimiri Sapientiae Mag: Duc: Litu: Notarij molem, qua latissimum platea ductum exornauit, suo gaudio, illius pietate calis non coniunxit? quos in triumphali ingressu, quem arte Et pretio insignem, ingenio deuotionis nobiliorem fecit, non designauit cogitatione locum qui Authoris nomen aeternum ferret. Quid si caeleste studium interpretationem patitur ex factis, Et, quae visa non sunt, fidem habere possunt ex causa, crediderim D. CASIMIRVM Clienti suo vicissim Arcum erexisse, qui longum annorum cursum ad festinatos honores Et constansem famae Et felicitatis moram transmitteret: opibus insuper tam bene impensis fauisse, ut mansuris in fastigio accessibus consisterent, auferenturq̄. Quid me caeterorum quoq̄ impendia adducerent, si singula disserere vellem. Quid Academia Vilnensis? cuius solennes labores

labores recurrentes in orbem supplicatio amplexa est, ut primitias beati fauoris in ingressu concessas, reditu cumularer, & non nouam tantum in cultu industriam, sed eruditos etiam sudores gemino transitu solaretur? In qua dicendi spatia peruenirem admiratione studij, quo Vilna potissimam fori sui faciem tota insedit, & sua ubique diffuse summam fecit alacritatis? noctis inter faces, letitiamque in memoris tenebrarum? ignium in altum expressorum sub celo lusus?

Tui hec ingenij fuit pietas, VLADISLAE Rex Inuictissime, qui Reip. animus, vniuersas tanti corporis partes commouisti. Merito itaque integra clarissimi per omnes fusi facinoris magnitudo ad Te Authorem redit. Omnia per singulos dispersa religiose liberalitatis vel obseruantie momenta, quoniam à Te profluxerunt, in gloriae Tuae amplitudine colligi necesse est. Atque ita Oceano equasti Tuae copiam pietatis, ut & intra capacem religionis Tuae curam omnis subditorum se voluat imitatio, & laude recurrat ad cumulum, quidquid exemplo prodijt. Non possumus augustè Tuam explicare virtutem, quae per innumeros diffusa, recepta deinde in Te, maius reperit spatium. Tuum, nostrumque est, quod egisti: & eò quidem magis nostrum, quia Tuum. Liceat tamen mihi liberè conqueri. Maiore vi usus es in nostros affectus ac mores, quam nostra necessitas, aut Tuarum virium ratio exigebat. Quis enim ad D. PRINCIPIS honorem Tuis votis non iuisset? quem non duxisses ad eadem, aut paria nutu? Ut quietus sacris inclusus palatijs audires, spectaresque caelestem omnium letitiam, valetudo afflicta volebat: imbecillitatem in Te ad cultus prosecutionem agnoscere noluit. impeditum fortuito morbo pedum officium proponebat: non admisisti excusationem. egebat sanitatis cura late con-

ciliato domestica umbra silentio : Regium esse sanari
publicis curis dixisti. Quis Te aded Tuis aduersum red-
didit commoditatibus, ut vitam non traheres commo-
dè ut Regiam : non sollicitè ut publicam : non tran-
quillè ut indigentem : sed robustè pièq̄ inter grauissi-
ma quæq̄ negotia circumferas ? O egregiam nulliq̄ ta-
cendam Tuam virtutem ! Pulcherrimum inuenisti in-
uicta Tue fortitudinis campum, ut quâ contra hostes
usus es strenuè, salubriter pro Rep. contra Te san-
ctè uteris. Meritò Te subuectum frequens vene-
rata est multitudo hominum, & quoniam ex absen-
tia egrescebat dolore, deuoto morbi Tui obsequio ad
gaudia conualuit. Tibi igitur communem festiuita-
tem debemus restitutam. Nam licet integros nos fe-
cisset sola Tue voluntatis lex ad solennem D. Tute-
laris uenerationem : Tue tamen egritudinis vultu o-
mnia egissemus, & conferentes simul diuersa animi
discordis indicia, hilaritatem expressissemus marore.
At Te conspecto nubila mentes suam recepere sereni-
tatem, integrâ fronte occurrimus faustissimo diei : e-
quabili imperio plenum pectus capit regi. Quidni
vò regeretur ? quandoquidem vno in triumphali
spectaculo geminorum Principum coniuncta Maestas
desiderium oculorum, rara cum letitia populorum
cumulatè expleuit. Et CASIMIRVS quidem vi-
ctorias suâ ope partas indicabat. Tu subijciebas. Ille
quasi triumphanter præibat : Tu sequebaris. Planè
ita cuncta ceciderunt, ut nulla Tue glorie pars latue-
rit in alieno plausu. Videreris licet illum alteri fecis-
se : nos Te, non seiunximus. processeris sanè supplex :
hoc erat Triumphatoris indicium. Comitum Te feceris
sacra actionis : Principem Te, & quidem geminatâ
authoritate agnouimus. Paterna enim pietas primâ o-
peris huius excitatione nobilis in Te simul effulsit, atq̄

ita antiquis desiderijs suffecit, ut nemo abesse crederet iam redditum celo Patrem, qui Te inuebatur Accedit, quòd prouideris, nè **CONSTANTIAM** Reginam magnifici sociam laboris in tanta spectaculi copia quisquam desideraret. Apparere enim voluisti in eodem spectabilium virtutum theatro Augustam Sororem Tuam **ANNA M CATHARINAM CONSTANTIAM**, quæ Matrem ad superos receptã constanti probitatis miraculo redderet. Et verò amplè satis illa in tantum nomen sonuit, effecitq; ut in florescente indole verecunda honestatis maturitas cerneatur, & altus crescentis gloriæ gradus fastigium amulo aspectu exhiberet. Digna projectò quæ ad Maternæ laudis imaginem tam clarã origine institutioneq; & tanti Fratris felicitate venerit.


Quòd si ea huius operis est vis ac potestas, ut Orbi terrarum sufficiat, quòd igitur tandem maius iam dari potuit lætitiæ honorisq; ornamentum, quàm cum tantis comitibus **D. CASIMIRVS** suam obiit urbem, populoq; inuisit? Constiterit sanè beatè in suo illo Mausoleo, cuius omnis ætas mirabitur pretium, & splendorem: beatiùs tamen iuisse dicendus esset, nisi eadem præsentia pulcherrimum illud domicilium cohonestasset. Spectabit id ad perennem cultus securitatem, quòd factum conspeximus, ut quiuis oculis hauriat venerationem, cuius inuitamentum, stabili sedi liberalitas & præsentia impressit. Nè quis suorum malus custos laborum opes cupiditate obseret, malitq; collectas ad avaritiæ hereditatem tueri, quàm ad diuini Numinis gloriæ explicare, occurret ei **SIGISMUNDI III.** munificentia. Nè se subducatur sacris obsequijs præsumptio alicuius dignitatis, **VLADISLAVS IV.** potenti ad pietatem corporis debilitate conuincet. Ut verò in eum locum perpe-

tuo accursu omnis se recipiat necessitas, aurea lampas,
splendidum **CONSTANTIÆ** Regine munus,
Virginali Filie manu ante aram suspensum, alluce-
bit. Et scimus nos quidem fore, ut ab admirandis e-
uentibus iam, pridem, nata deuotio, suam deinceps
prosecutura sit institutionem: à tantis tamen, tamq̃
heroicis factis ingens venias necesse est precandi fidu-
cia. Felicem certe Poloniam tanto bono. Inde enim li-
cebit successus domi militiaq̃ alere, populorum accipe-
re salutem, vires fortunamq̃ contra hostes educere,
ubi tanti **PRINCIPES** suam exercuerunt pieta-
tem, deposuerunt victorias, triumphos consecrarunt.
Hic ego quoque, **D. CASIMIRE**, humile hoc
laboris mei obsequium appendo, ut veniam au-
dacie, quâ tuas virtutes tractavi, depre-
cer, & quod stylo detriui, immorta-
li suorum operum compensem
argumento.





Biblioteka Jagiellońska



stdr0011352

